



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1663. usque ad annum 1674

**Fleury, Claude**

**August. Vind. [u.a.], 1780**

**VD18 90119193**

§. 68. Censura Facultatis Theologicæ Parisiensis in Historiam Universitatis Parisinæ.

---

[urn:nbn:de:hbz:466:1-67332](https://nbn-resolving.org/urn:nbn:de:hbz:466:1-67332)

Sæc. XVII profiteretur, sed etiam suæ gentis  
 A. C. 1666. plurimos ad eandem impietatem per-  
 traheret, donec tandem anno hujus  
 sæculi septuagesimo sexto in Olchinesi  
 arce die decima Septembris miserima  
 morte periret, quin sui desiderium  
 apud Judæos relinqueret, nec tamen  
 etiam vanam alterius Messiae spem  
 extinqueret.

## §. LXVIII.

*Censura Facultatis Theologicæ Pari-  
 sensis in Historiam Universi-  
 tatis Parisinæ.*

*Argentre  
 coll. Jud.  
 t. 3. p. 136.*

Prodiit hoc anno quidam liber sub ti-  
 tulo: *Historia Universitatis Parisin-  
 sis Auctore Magistro Cæsare Egassio Bul-  
 læo, emerito Eloquentiæ Professore, &  
 antiquo Universitatis Rectore; cum autem  
 Antonius de Breda Syndicus die prima  
 Aprilis, quædam reprehensione digna  
 in hoc libro reperiri exponeret, ad ejus  
 preces Facultas quosdam nominabat  
 Doctores, qui hoc opus maturo subjice-  
 rent examini. Hi ergo die prima Au-  
 gusti referebant, I. Contra veritatem  
 Sacræ Historiæ in hoc libro affirmati,  
 quod David simul Rex fuerit & Sacer-  
 dos. II. De sacra Theologia Au-  
 thorem asserere, eam degenerasse in  
 varias hæreles, Petrum Lombardum  
 esse*



esse unum e quatuor labyrinthis, hæ- Sæc. XVII.  
resin tanquam Minotaurum includen- A. C. 1666.  
tibus . . . . Post Agapitum scripsisse  
Damascenum anno Christi septingen-  
tesimo præcepta Grammatices, inde-  
que ortam esse disciplinam Scholasti-  
cam, eam vero a quibusdam compa-  
rari cum famosa illa scylla veterum, ad  
speciem quidem pulchra, sed latranti-  
bus monstris succincta, utpote referta  
mille quæstionibus, & distinctionibus  
inutilibus. III. Authorem favere hæ-  
resi & hæreticis, eoquod scripsisset,  
Abælardum injuste damnatum fuisse in  
Synodo Sueffionensi, quamvis fateatur,  
quod in ejus sententia Trinitas consistat  
in tribus attributis, potentia, sapientia  
& bonitate Dei, pariter quoque dixisset,  
Rupertum vindicari perperam ab  
hæreticis circa mysterium Eucharistiæ,  
eumque existimasse, panem non con-  
verti in Corpus Christi, dum confici-  
tur Eucharistia, sed assumi a Verbo di-  
vino, & passim Berengario, Abæ-  
lardo, & Gotteschalcho Autorem fa-  
vere.

IV. Contineri schismatica, cum Au-  
thor dixerit, Innocentium II. agnitum  
fuisse pro Pontifice a Gallis non tam  
attenta ratione Electionis, quam me-  
ritis, & Dignitate Personæ, Tom. 3.  
p. 185. & approbarit, id quod dicitur  
apud



Sæc. XVII. apud Mathæum Paris de potestate per  
 A. C. 1666. S. Clementem B. Dionysio concessa de  
 constituendo Papa in Francia.

V. Reperiri nonnulla contra Canones & disciplinam Ecclesiasticam, quia Author affirmat, quod tempore Leonis IX. & sub Urbano II. imo etiam antea Sacerdotes & Episcopi publice uxores duxerint, non secus ac laici.

VI. Multa inveniri juri & dignitati Regis & Regni contraria, veluti cum Author asserit, Carolum magnum eximisse Regnum Franciæ homagio erga Imperatorem, quod repetit Tom. 3 pag. 406.

Pag. 306. inter proditores ab eo recenseri eos, qui adhærebant Regi contra Comitem Veromanduxæ subditum, & rebellem, his verbis: *anno 944. iterum orta est inter Regem & Herberti filios discordia, propter quasdam urbes Comitis Veromanduce a proditoribus Regi deditas, & ab eo retentas.*

Tom. 2. p. 665. illum hæc asserere: *In capitale parisiensis studii pro nullo crimine justitiam nostram manum mittere, quod quidem privilegium cadere non potest, nisi in Laicum, aut qui Laicus existimatur, non in Episcopum aut Cancellarium Ecclesiæ parisiensis, qui cum clerici & sacerdotes essent, aliunde nempe lege sacra*



seu Canonica, & jure divino securi erant, Sæc. XVII.  
nec civili indigebant, ut a vinculis tuti essent. A. C. 1666.

Pag. eadem illum affirmare, Cleri-  
cos & Sacerdotes jure divino non posse in  
carcerem compingi pro quocunque delicto.  
» Quibus auditis sacra facultas die pri-  
» ma, decima octava, vigesima secun-  
» da, & vigesima tertia, ejusdem men-  
» sis & anni Congregata unanimi om-  
» nium consensu opus illud improbavit,  
» indignumque judicavit, quod nomine  
» academix parisiensis ederetur in lu-  
» cem, utpote insulsum, ineptum, ab-  
» surdum, & in multis scandalosum,  
» contumeliosum omnibus ordinibus,  
» turpe, obscænum, & inhonestum.  
» Præterea censuit supradictas proposi-  
» tiones esse respective contra verita-  
» tem sacræ historiæ, contra sacram  
» doctrinam, seu Theologiam, faven-  
» tes hæresi, & hæreticis, schismati-  
» cas, contra Canones, & Disciplinam  
» Ecclesiasticam, & contra jus & digni-  
» tatem Regis ac Regni. »

## §. LXIX.

*Balassus rebellis ob Hungariæ vasta-  
tiones castigatus.*

Sub idem tempus Leopoldus Impera- *Diar. Eu-*  
tor, cum post Sigismundi Francisci *rop. t. 14.*

Archiducis ex Tyrolensi linea postre-  
*Hist. Eccles. Tom. LXIII.* O mi